

Q. D. B. V.
DISSERTATIO INAUGURALIS IURIDICA
DE
PERSONIS
RIGORI CAMBIALI
SVBIECTIS,



QVAM
ADIVVANTE DEO
MAGNIFICO
ICTORVM ORDINE
CONSENTIENTE
IN ACADEMIA IVLIA
AD
CONSEQUENDOS DOCTORIS
IN VTROQUE IVRE HONORES
PLACIDO ERVDITORVM EXAMINI
SVBMITTIT
M. GEORG. WILH. IOECHER
LIPS.

D. XXX. OCTOBR. clis lcccXXV.

HELMSTADII
TYPIS PAVLI DIETERICI SCHNORRII
ACAD. TYPOGR.

THE UNIVERSITY OF CHICAGO
PRESS

PHOTOGRAPHY
OF THE
HUMAN EYE

BY
J. H. M. J. VAN DER
STRAAT
AND
J. H. M. J. VAN DER
STRAAT

CHICAGO
UNIVERSITY OF CHICAGO PRESS

1964

CHICAGO
UNIVERSITY OF CHICAGO PRESS



CONSPECTVS DISSERTATIONIS
DE
PERSONIS RIGORI CAM-
BIALI SVBIECTIS.

§. I. Praefatio ad Lectorem, ubi ratio instituti exponitur.

§. II. Definitio & divisio cambii.

§. III. De Iure cambiali in genere.

§. IV. Omnes, qui facultatem se obligandi habent, cambialiter obligantur.

§. V. Mercatores in genere.

§. VI. An minores?

§. VII. Mercatores minorennis tenentur.

A

§. IIX.

Filiifamilias excipiuntur.

Nisi sunt simul mercatores.

De Academicis & studiosis.

Illustres personae ac Nobiles.

I. Milites & Rustici.

II. De Clericis & Canonicis.

V. Mulieres.

VI. Quae mercatrix esse dicatur?

VII. An contra haeredes processus cambiales institui possit?

VIII. De obligatione fideiussorum.

IX. De obligatione plurium in solidum in primis sociorum, qui

X. Exceptionibus nec ordinis neque divisionis contra tertium gaudent. Conclusio.

I. N. D.



I. N. D.

§. I.



Vm in conscribendis disser- *Praefatio*
tationibus materia, quae in *ad lecto-*
praxi usum praestat, nun- *rem ubi*
quam displicuit, noli mirari, *ratio in-*
me de his, qui rigori legum *stituti ex-*
cambialium sunt obnoxii, *ponitur.*
disceptaturum esse. Argu-
mentum quidem non inco-

gnitum, uberiori tamen disquisitione dignum.
Crebriores controversiae, quae mihi, ex quo tem-
pore forum frequentavi, se obtulerunt, ad suscipi-
endam hanc operam me induxerunt. Processu

A 2

cam-

cambiali in iudicia nostra introducto inquirendum est, an ille contra omnes, qui literas cambiales creditoribus dederunt, & in quibuscunque negotiis locum habeat nec ne? Id quod cum indistincte asserere nequeamus, circa personas, & quae hoc processu conveniri possint, haeremus. Visu superioritatis territorialis quemvis principem & statum imperii legislatariam exercere potestatem constat. Hinc accidit, ut quot sint regiones & civitates, tot fere Iura & ordinationes cambiales inveniantur. Si una Germaniae eademque convenientissima lex praescripta, quae pro unica in negotiis cambialibus agnosceretur norma, commercio certe consultius esset. — Inter tam ingentem ordinationum copiam non omnes eiusdem conditionis videmus, ut inter se convenient. Ut unicum modo exemplum afferam: Ius Brunsvicense mulieres sive mercaturam exerceant, sive non, rigori cambiali subiicit: (a) Alia est Iuris Saxonici dispositio, ubi solum mercatrices literis cambialibus se obstringendi facultatem habent. (b) Enimvero, quantum institutum patiat, notiores ordinationes pluribus quidem inter se conferam, de eo tamen, quid in patria Saxonia Electorali, ubi multa per recentiora mandata & novioremodi

in

in foro procedendi praescriptionem mutata esse
constat, iuris sit, maxime sollicitus ero.

(a) ORD. CAMB. BRVNSV. §. XVI.

(b) *Leipziger Wechsel-Ordnung*. d. a. 1682. §. II.

§. II.

De hominibus autem Iuri cambiali subiectis
acturi, quid cambium, quae natura Iuris & pro-
cessus cambialis, & quae sunt denique personae,
videbimus. Cambium a vetusto vocabolo cam-
bire & campfare, i. e. permutare plerumque deri-
vatur, & Longobardis, Gothisque originem debere
dicitur. (a) Graecis κόλλυβος, Gallis change &
Germanis *Wechsel* exprimitur. Duplicem habet
significatum: Alter negotium & contractum, al-
ter literas & obligationem cambialem denorat. In
priori est contractus, quo pecunia accipitur, ut alia
secundum modum cambialem restituatur; & divi-
ditur in proprium, ubi dator literarum accepta pe-
cunia certam summam refundere; se obstringit, &
alienum s. locale, quo pecunia ita commutatur,
ut alio in loco pro pecunia aut resimili soluta vel
promissa conveniens summa accedente regulariter
mercede provisionali *provision oder Wechsel-Geld*
exsolvatur. Ad quam vero Iuris Romani contra-

*Definitio
& divisio
Cambii.*

etuum speciem contractus cambialis sit referendus, frustra disceptari solet. Nam in Jure Romano civili nulla cambii fit mentio, sed hoc, gentium usu exigente, moribus praesertim Germanorum introductum. Negotium cambiale consensu superstruitur : quid autem opus est, ut illud consensualibus contractibus annumeretur, siquidem omnia pacta deliberato de re utili inita moderno Jure vim stipulationis & alternativae obligationis habent. Ad perfectionem & probationem huius contractus formantur literae cambiales, in quibus vocabulum *Wechsel* necessario requiritur, quo neglecto, licet reliqua adsint requisita, suo tamen effectu destituuntur, (b) & in naturam simplicis obligationis & chirographi transeunt, ita ut ne quidem executive ob deficientem debendi causam agi queat, id quod autem in Saxonia Electorali novissime immutatum fuit. (c)

- (a) BERGER. in Suppl. Elect. proc. Execut. Posit. I. Originem Cambii pecuniarii ab eiectione ex Italia GIBELLINIS in Italia, & in Gallia ab exinde a DAGOBERTO pulsus iudaeis deducit SAVARY pag. 223.
- (b) Conf. RIVINVS ad Ord. Pr. Sax. T. 25. En. 22. p. 81.
- (c) Vid. Append. Recent. Ord. Proc. Sax. §. V.

§. III.

Ius cambiale est pars Iuris humani eiusdemque civilis, suamque origini cambiorum debet originem. Nam introducta semel inter mercatores negotiatione cambiali legibus opus fuit, quibus ea firmanda erat. Sicut autem rudis atque indigesta edictorum moles coaluit, ut multi ICtorum superiori tempore ab accurata illorum consignatione & exacta huius Iuris cultura deterrerentur, ita noviores operae pretium duxerunt, ut istud studium in certae scientiae formam redigerent, de quo sane inter alios viros CL. KÖNIG. LUDOVICI & FRANKIUS bene meriti fuerunt. Extant igitur certum ius, quod cambiale dicimus, & leges, quæ nihil aliud sunt, quam norma a superiori præscripta, secundum quam in negotiis cambialibus iudicari debet. Inde nascitur rigor processus cambialis, qui in eo consistit, quod debitor s. reus, antegressa literarum cambialium recognitione, tam diu in custodia detineatur, quam diu creditori suo per solutionem fortis, usurarum, atque expensarum non satisfecerit. Et differt maxime a processu executivo ratione obligationis ad carceres, quæ si non habeat locum, modus procedendi non est cambialis, sed executivus,

*De Iure
Cambiali
in genere.*

tivus, licet nonnulli distinguere velint inter rigidiorem, ubi debitor ad exsolutionem arresto personali adigi posset, & leniorem, cum paratissima non quidem in personam debitoris tamen in eius bona daretur executio. Sed ita etiam executive procedi solet.

§. IV

Quidlibet, qui facultatem se obligandi habet, cambialiter obligatur. Quid sit rigor cambialis ex hæcenus dictis constat. In quasnam vero personas ille cadat, de eo pluribus nunc videbimus. Commendatur hic regula generalis, quod quicumque facultatem se obligandi vel debitum contrahendi habet, is quoque se cambialiter obstringere possit, locum tenet, quæ tamen suis exceptionibus, quæ infra proferentur, non est destituta. Vti vero omnes se obligare possunt, qui nec natura, ut furiosi, muti & surdi, neque lege, ut prodigi impediuntur: (a) ita omnes cambiales scribunt literas, ut efficaciter conveniri ex iis queant, nisi tale obstat impedimentum. Alias potissimum in commodum rei mercatoriæ cambia sunt introducta. Quibus tamen mercatores non solum utuntur, sed perspecta eorum utilitate aliis quoque a mercatura alienis libertas cambialiter se obligandi indulta fuit (b)

(a) l. 40.

- (a) l. 40. ff. d. R. I. .
 (b) Conf. BARTHII Hodeg. forens p. 723. & 670. & LVD-
 DOVICI *Einleitung zum Wechsel-Processe* Cap. I. §. 3. p. 2.

§. V.

Nullum est dubium, quin mercatores rigorem cambialem sentire debeant. (a) Primitus enim cambia inter illos invaluerunt, legibusque durioribus firmata fuerunt. Nam ut commercia promoverentur, fides servaretur, magisque augeretur, ut negotiantes suam in promptu haberent pecuniam, quibus sibi merces comparare, & lucrum captare possent, per rigorem cambialem iis prospectum est, cuius auxilio morosi debitores facilius coercentur, ut metu carceris suis satisfaciant creditoribus, nec aere alieno se obruant. (b) Quemadmodum negotiantes per multifariam negotii cambialis naturam mox traßantes, mox indossantes, mox acceptantes dicuntur: ita quomodo singuli teneantur, peculiari opus esset tractatione; sed interim cupidum Lectorem ad Auctores, qui de hac re prolixius egerunt, remittimus. (c)

- (a) Vid. *Churfürstl. Sächf. erneuertes Marckt-Rescript* de a. 1660. ubi legitur: *Daß hinführo unter Kauff- und Handelsleuten in bekäntlichen oder in continenti*

B erweist-

erweißlichen Schulden der Dehitor ohne Verstattung einiger Bürgerlichem oder Sächsischen Frist auf Ansuchung der Gläubigers baare Zahlung leisten, oder annehmliche Versicherung und Gestalt machen. Im fall er aber deren keines vermöchte, alsobald in Gehorsam gehen, und darinnen so lange verbleiben soll, bis er sich mit seinen Creditoribus abgefunden. Et verba subsequencia: Und die Kauffleute nochmalts dahin halten, daß sie in Wechsel und andern bekantlichen oder in continen-tien weißlichen Handels-Schulden jederzeit in Person vor Gerichte erscheinen, und biß die baare Bezahlung oder annehmliche Versicherung geleistet, sich in Gehorsam einstellen müssen. It. ORD. CAMB. LIPS. de a. 1682. §. 51. Ob zwar Wechsel Brieffe welche zu Beförderung der Handlung erfunden und eingeführt, vornehmlich Kauf- und Handelsleute angehen.

(b) Vid. LUDOVICI Einleitung zum Wechsel Proc. Cap. I. §. 2. p. 2. D. BARTHII Hodeg. for. Cap. IV. proc. camb. §. III. p. 670 & §. IX. p. 722. FRANCK. in Institut. jur. camb. Lect. I. p. 115.

(c) 1) De transantibus conf. DN. BARTH. in Hodeg. for. p. 699. & 703. sq. ORD. CAMB. LIPS. §. 6. KOENIG ad ord. Lips. annot. I. p. 21. Magnif. MENKENVS in Dips. proc. I. §. 58. & theor. ac prax. pandect. L. XIX. tit. VI. §. 14. MEVIVS P. IX. Dec. 132. BOCKEN. de camb. ILL. BERGER. decis. 226. n. 9. NEWMAN a PUCHOLTZ de camb.

2) De

2) De indossantibus v. DN. GRIEBNERI Princ. proc. L. II. c. 5. §. 9. ORD. CAMB. LIPS. §. 19. ILL. BERGER. in Elect. Disc. for. p. 1171. & supplem. P. II. p. 123. sq. BARTHII. Hodeg. for. p. 717. sq.

3) De acceptantibus v. DN. LUDOVICI l. c. p. 16. & 17. HEYDIGER *Einleitung zum W. R. c. VIII.* p. 40. Magn. D. MENCK. theor. & prax. pand. p. 605. ORD. CAMB. LIPS. §. 13. 20. 34. FRANK. de adimpl. liter. camb. honor. cauf. §. 26. Eiusdem Instit. L. I. Sect. IV. Tit. 12.

§. VI.

Obligationem cum minoribus absque curat^{An mino-}oris consensu initam, non bene sibi constare, ^{res?} cumprimis quoties in eorum incommodum detorqueri possit, ubi in integrum ex capite laesionis restituuntur, (a) plus satis liquet. Hinc facile iudicabis, quodnam robur literis cambialiibus inesse possit a minoribus conscriptis. (b) Scilicet vix aliud, quam ut contra has pro renata in integrum restituantur. (c) Sed quaeritur, si curatoris consensus per sub signationem literarum cambialium elicitus accesserit, nec laesio intervenerit, utrum minores iure cambiali efficaciter obstringantur, nec ne? id quod indistincte nec asseri, nec negari potest. Vbi ius cambiale Guelferbytanum &

B 2

Ham-

Hamburgense receptum est, minores aësto personali non afficiuntur. (d) In terris vero, quas ius cambiale Brandenb. Halberstad. & Magdeburg. agnoscunt, recte conveniuntur, (e) ubi tamen consensus curatorum & parentum requiritur. E contrario in Saxonia Electorali non solum minoribus anno aetatis vigesimo primo, sed etiam iis, qui licet maiorennes, annum tamen vigesimum quintum nondum absolverunt, potestas dandi literas cambiales nuperrime adempta fuit, adeo ut creditor nullam ex iis habeat actionem, vel si pecunia exsoluta fuit, ad eius tanquam indebiti restitutionem cogi, & pro re nata iussu multrari possit: (f) cum vero debitores veram aetatem mentiti sunt, executio in eorum personam cessat, bene tamen executive conveniuntur.

(a) l. 44. ff. de minor. l. 23. ff. Si tut. vel curat. interv.

(b) Conf. MEYIUS ad ius Lub. l. 3. t. 6. art. 21.

(c) Conf. REMER de vero Oblig. valor. Sect. II. c. 13. §. 14.

(d) ORD. CAMB. GVEIFERB. art. V. ORD. HAMB. art. XLIX. Conf. ORD. WRATISLAV. noviss. art. 1.

(e) IUS CAMB. BRANDENB. art. VII. HALBERSTAD. & MAGDEBURG. art. V.

(f) Per MANDAT. NOVISS. ELECT. SAX. de anno 1724. von Aufßborgen iunger Leute. Confer, BARTHII HODEG. for. Cap. IV. p. 729.

§. VII.

§. VII.

Neque tamen lapsus lubricae aetatis ubique ^{Mercatores minores tenentur.} mercatores tueretur contra rigidiorē iuris cambialis executionem, ita ut si in hoc negotio etiam enormiter laesi fuerint, eam remorari, aut in restitutione in integrum remedium quaerere nequeant. (a) Hinc regulae ICtorum: *mercatores approbati & in albo mercatorum descriptos in negotio mercaturae restitutionem non habere* (b) Ratio statim in promptu est, nimirum, favor commercii, qui ut ita dicam, minores reddit maiores. In provinciis Guelferbytanis & Brandenburgicis (c) rigorem cambialem mercatores post annum demum XXI. sentiunt. Galli aetatis vigesimo finito obligantur; (d) quem etiam terminum ordinatio Halberstad. & Magdeburg. praefigit. (e) In ordinatione cambial. Lipsiensi nullum discrimen invenimus; mercatores sive sint maiorennitati proximi, sive non, utpote quae expresse ita disponit. §. 2. *Nachdem &c. Allermassen auch die, so das Ein und Zwanzigste Jahr ihres alters noch nicht erfüllet, wenn sie eigene Handlung treiben, und sich darinne zu etwas verbinden, dasselbe allerdings zu halten schuldig, und dagegen mit der restitution in integrum nicht zu hören; Ad quam dispositionem dicte-*

B 3

caſteria ſemper in pronunciando reſpiciunt, ut Scabin. Lipſ. menſ. Ian. 1693. reſponderunt ? *daß Beklagten die iura minorum nicht zu ſtatten kommen, weil derſelbe ein Handelsmann, und nunmehr durch ſeine Handlung in Schaden gerathen oder verkürzt worden, ſich deren nicht zu erfreuen hat.* Nec hoc jus in Eleſt. Saxon. ſereniſſ. mandato von auffbor-gen iunger Leute modo allegato mutatum fuit, utpote quod diſerte mercaturam exercentes excipit verbis, illisque cum pleniffimam libertatem relinquit, tum quoque paratiſſimam contra eos executionem praecipit, (f) cum quo plurimae aliae ordinationes conſentiunt. (g)

- (a) Vid. LVDOVICI introd. in proc. Camb. C. 1. §. 14. p. 13. REMER. d. ver. oblig. val. Sect. II. c. 13. §. 14.
- (b) BRUNNEM. in Comm. ad l. 1. C. qui & adverſus quos.
- (c) ORD. BRAND. art. VI. & GVELFERB. art. V.
- (d) Per. ORD. MERCAT. LVDOV. XIV. tit. I. art. VI. & III.
- (e) IVR. CAMB. art. V.
- (f) §. I. & V.
- (g) IVS CAMB. AVSTR. art. VII. PRVSS. art XXXV. Gedanens. art. XXXIX. WRATISLAV. noviſſ. art. I. §. IIX.

§. IIX.

Filiifamilias omnes contractus vivo, vel <sup>Filiifami-
lias exci-
piuntur.</sup> dissentiente patre (a) celebrant, suspenſa licet in mortem patris executione; (b) ſi vero proprium habeant peculium, in illud datur executio. (c) Excipitur mutuum, (d) quod ſi contractum fuerit, exceptio SCti Macedoniani creditoribus obſtat. (e) Quoties literae propriae cambiales exarantur, toties mutuum interceſſiſſe praefumitur. Hac de cauſa filiifamilias in iudicio cambiali absque ſucceſſu conveniuntur. Nec quicquam prodeſt, quod alius contractus fingatur, ſi ab initio in fraudem SCti initus fuerit. (f) Vnde dicitur mutuum palliatum. Huc pertinet quidem cambium manuale, id quod vel verba: *Des Webrts bin ich wobl vergnügēt* indicant, & quod ſit cauſa externa cambium, interna mutuum, Senatus Viteberg: ad interrogat praefecti Liben. m. Oct. 1708. reſpondit. (g) Hinc non video quomodo cum B. TITIO ſtatui poſſit, filiumfamilias cambia recte contrahere iis locis, ubi nulla peculiaris extaret prohibi- tio. (h) Ea non opus eſſe videtur, cum jure civili ſatis cautum ſit, ne mutuum, cuiusmodi, ut ſupra demonſtravimus, eſt plerumque cambium, a filiifamilias cum effectu contrahatur. Non deſunt
vero

vero leges expressae, quibus ii a dandis litteris cambialibus interdicuntur. Inter illas declaratio Rescripti cambialis, sub dato d. 19. Martii 1680. *Wegen der Vniversitäts-Verwandten* (i) Serenissimi Saxoniae Electoris, & ex hac verba subsequencia notatu sunt digna: *Aber denen, inquit summus legislator, so noch sub patria potestate seyn, sol keines weges verstattet werden, auf solcho Art zu negotiiren, und Wechsel-Brieffe von sich zu stellen, sondern es bleibt dießfals bey dem angezogenen compactato, dabero dann, wo fern die Krabmer, Peruquenmacher, und andere solcher Leute ein mehrers borgen, und zu dem Ende Wechsel-Brieffe von ihnen nehmen, die Eltern zu deren Bezablung wieder ihren wissen nicht anzuhalten, sondern bey dem SCto Macedon. gebührend zu schützen; Quae dispositio deinde per peculiare adhuc edictum Electorale confirmata, sub dato d. 29. Dec. 1718. emanatum, & in eo magis aucta fuit, ut quamvis iusiurandum semel praestitum, secundum notissimum canonem, quoad salva vita aeterna fieri possit, servari debeat, nihilominus clausula iuratoria litteris subiuncta nullum fortiatur alium effectum, quam ut in autores poena arbitraria statuenda sit. Et haec omnia mandato novissimo *Von Aufbor-*
*gen**

gen junger Leute de anno 1724. §. 1. (k) renovata sunt. In aliis ditionibus eadem fere sancita profant, ut e. g. Ordinatio Gedanensis potestatem se cambialiter obligandi sub patria potestate hærentibus denegat, addita ratione, quod cambium sit mutuuum palliatum. (l)

(a) §. 6. I. d. inut. stip. l. 39. ff. de O. & A.

(b) l. 2. ff. quod cum eo.

(c) l. 2. ff. ad SC. Maced. l. 16. ff. d. noxal. act. l. 3. §. II. ff. d. pecul.

(d) l. 1. & II. ff. d. SCt. Maced.

(e) l. 7. §. 3. ff. d. SC. Maced.

(f) conf. GODOFR. LVD. MENCK. diff. d. uf. forensi SCt. Maced. in Germ. REMER. d. ver. obligat. valor. sect. II. cap. 13. §. 18.

(g) ILL. BERGER in Oecon. Iuris n. §77. l. 3. tit. 2.

(h) In iure privat. L. X. c. V. §. X.

(i) ap. KOENIG in Append. ORD. CAMB. LIPS. sub lit. M. p. 39.

(k) conf. DICEL. d. camb. trassat. §. VI.

(l) art. XXXIX.

§. IX.

Qui exercet mercaturam, adhuc manet in patria potestate, cum ab ea nihil præter emancipationem formalem (a) & virtua-^{Nisi sunt simul mercatores.}lem peculiaris ni-

C

mirum

mirum Oeconomiae institutionem (b) filium maiorem ordinarie liberet. Favor tamen commercii effecit, ut filius familias taberna mercatoria instructus ratione negotiationis hodie emancipatus, teste Hahnio (c) censeatur. Immo tunc ne quidem beneficio SCti Macedon. potest, si modo parens in negotiationem consenserit, nec contradixerit: *nam ut cum lege loquamur, si scit pater, eum negotiari, etiam hoc permisisse videtur, si non nominatim prohibuit merces accipere.* (d) In nonnullis locis consuetudinem invaluisse, quod pater filium, simulac negotiori incepit, coram iudicio e sua potestate dimittat, STRYKIVS refert. (e) Itaque nullum est dubium, quin negotium cambiale inire possit, cum illud multum commoditatis atque utilitatis mercantibus afferat. Quo casu exceptione SCti Macedoniani non auditur, si ex eo in iudicium vocetur, cum ratione, ut iam dixi, professionis mercatoriae pro patre familias habeatur. (f) Idque imprimis Iure Sax. Elect. firmum est, quo cambia valide contrahit & inde eorum rigorem experitur. (g) Quod item interris Magdeburg. observariprehendimus. (h)

(a) §. 6. I. quib. mod. pat. L. f. C. d. emanc. lib.

(b) v. Nov. Leon. 35. P. 2. Constit. Elect. Sax. 10.

(c) Ad

- (c) Ad WESENBECK. Parat. ff. XLXV. T. I. n. 4.
 (d) l. 7. §. 2. ff. de SC. Macedon.
 (e) In Vf. modern. ff. de tribut. act. §. 1. in fin.
 (f) V. MARCQVARD. de iure Merc. L. 3. c. 8. n.
 60. D. ZIPFEL *von Wechsel-Briefen und dero Vfan-*
cen in append.
 (g) Conf. P. 2. Conf. Elect. 10. Mandat. Elect. d. 2.
 1724. *von Aufborgen &c.*
 (h) ORD. CAMB. MAGDEB. art. V.

§. X.

Academicos, aliosque eruditos, itemque gra-
 du Academico exornatos facultatem habere, dan-
 di literas cambiales, per generalem fere omnium
 legum dispositiones statuunt (a) DD., & quidem
 recte; Sed quoque IUS CAMB. BRANDENB. (b)
 NÜMBURGENSE, (c) BRUNSVICENSE (d) eruditos
 expresse includit. Lex Magdeburg. cambialis
 Professorum in Academia Hallensi, & aliorum A-
 cademicorum facit mentionem. Singulis suum tri-
 buit Ius Saxon. Electorale. Ibi enim Academicis
 (e) & gradu Academico decoratis (f) peculia-
 ribus rescriptis prospectum est. Quod ad eos, qui
 in Academiis studiorum causa versantur, attinet,
 illis quidem olim liberum fuit, libere mutuum
 contrahere, & se cambialiter devinctos reddere.

C 2

Quod

Quod sane commodum fuit ex regionibus diffitis accedentibus, qui saepius pecuniam ad sumtus vitae & studiorum requisitam diu expectant. Postquam autem haec privilegia in abusum abierunt, hac de causa Princeps alterum restringere, alterum prorsus revocare commotus fuit, ut occasio in parentum facultates aut propria bona grassandi itemque foeneratoribus ex aliena iactura lucrum captantibus praescinderetur, & ne tempus, quod artibus liberalioribus consecratum ab eiusmodi morosis debitoribus cambialibus in carcere & custodia tereretur. Hinc Mandata in Sax. Elect. emanata, constar, quibus ita cavetur, ut studiosi sive sint minorennes sive maiorennes, literas cambiales dare nequeant, si vero qui eas acciperent, ab illis nulla actio nequidem, ut ex nudo Chirographo instituta admittatur. (g)

(a) In ORD. CAMB. LIPS. §1. in verbis *hohe und niedere Persohnen*; & in PRIVSS. d. 1684. §. 35. sub verb: *Alle Persohnen, sie mögen seyn von was Condition sie wollen.* GEDAN. §.38.

(b) d. 1709. Art. IV.

(c) de ann. 1693.

(d) Art. XVI.

(e) Vid. RESCRIPT. ELECT. d. a. 1671. ap. KOENIG: ad ORD. CAMB. LIPS. p. 149.

(f) RE-

(f) RESCRIPT. ELECT. de ann. 1680. ap. D. KOENIG. d. l. p. 152. conf. FLECK in biblioth. iur. L. III. T. V. n. 9.

(g) Vid. RESCRIPT. REG. de 1718. & de a. 1724.

§. XI.

Vtrum campforem agere sit species mercaturae, est quaestio, quae vulgo ventilatur, eum in finem, ut libertas cambiale negotium exercendi iis vindicetur, qui alias negotiari iure civili prohibentur. (a) Sed ea disquisitione supersedere possumus, dum hodie, cum primis in Italia, Gallia, Batavia, &c. etiam ii mercantur, (b) quibus hoc olim contemptui erat. (c) Hinc illustres personae, ut principes, Comites, Barones, & nobiles duriori processus cambialis executioni eo nomine se subtrahere nequeunt, cum praesertim in legibus suo ordine diserte designentur. (d) Imo tristis experientia unum alterumve satis de hac veritate convincit.

(a) V. FRANCK. in Instit. IUR. CAMB. L. I. Sect. I. T. IX. p. 128.

(b) TIRAQUELL. de nobilit. C. 27. n. 13. MEY. Part. II. decis. 2. & 149. ZIFFEL. d. tesser. collybis. pag. 30. Conf. ORD. MERCAT. LIPS. Tit. III.

C 3

(c) e. g.

- (c) e.g. Nobilibus l. 3. C. de commerc. & mercat. & militibus l. un. C. negoc. ne mil.
 (d) V. Ivs CAMB. BRANDENB. Art. IV. Magdeb.
 Art. IV. NVMBVRG. verb. *ferner sollen* &c. BRVNSV.
 Art. XXVI.

§. IIX.

*Milites &
 Rustici.*

Milites in eorum, qui rigorem cambialem experiuntur, numerum etiam referendi erunt. (a) In Saxonia Superiori expressum habemus mandatum regium, (b) quo illis sub poena arresti creditoribus cambialibus satisfacere iniungitur. Quamquam non negandum sit, quod multis in locis executio saepius differatur, & ut ita dicam, beneficium haeredum scilicet spatium deliberandi, nisi annum tamen intermenstruum concedatur, inprimis cum in expeditione, aut statione sua constituti sint. Si ex verbis ordinationum ius cambiale non solum superioris, sed etiam homines inferioris, imo infimae fortis stringat, non est quod rusticos eximamus. (c) Nec praxis huic opinioni contrariatur. Nam teste Magnif. MENKERIO (d) Ordo Jurid. Lips. ita M. Ian. 1709. iudicavit. Aliud obtinet in ducatu Altenburgico, ubi processus cambialis contra cives vilioris conditionis, & rusticos exulavit. (e).

(a) Vid.

(a) Vid. ORD. CAMB. BRANDENB. Art. IV. MAG-
DEBURG. Art. IV. Austr. Art. VI. Conf. STRACH.
de Mercat. part. III. num. 9. ENENKEL d. privil.
milit. Lib. I. C. 4.

(b) Sub dato d. 30. April. 1699.

(c) Conf. LVD OV. *Einleitung zum Wechsel-Proceß.* p. 5.

(d) In theor. & praxi Pandect. p. 606.

(e) Vid. RESCRIPT. Frieder. Duc. Saxon. Gothan.
d. 2. 1697. apud KOENIG. p. 248.

§. XIII.

*De Cleri-
cis & Ca-
nonicis.*

Quamvis Clerici sub quorum censum tam
Ecclesiae quam scholae ministros collocemus, nego-
tiis secularibus se immiscere non debeant: (a) attamen
apud Protestantes ex literis cambialibus fir-
miter in pluribus locis obligantur. Id quod olim
in Saxonia ex recessu comitali Elect. d. 1676. stri-
cte observatum esse testatur BERGER, (b) idem-
que exemplum de Clerico in personali arresto re-
cognitis cambialibus literis a Consistorio detento
affert. (c) Iam quaeritur, an persona clericalis
hac in causa coram foro seculari se sistere debeat?
Et hoc negatur, licet foro suo privilegiato renun-
ciaverit. (d) Cur igitur dubitant Dd? an Clerici
litteras cambii dare possint & si dederint, an inde va-
lide

lide usque ad carceres obligentur. Sane nos asserere non veremur, quod beneficia competentiae & cessionis alias Clero indultae in processu cambiali nihil operentur, cum per huius naturam tales exceptiones haud admittuntur. Nec impedit, quod Clericus beneficio competentiae renunciare non posse dicatur, cuius vero omnino quaedam renunciatio inest obligationi cambiali. (e) Nam sufficit nobis praxis contraria, nec id pontificii ipsi negant, obligationem ex Cambio oriundam esse efficacem. (f) Certe tamen satius esset, & Ecclesiae Christianae magis proficuum, si usus literarum cambialium Clericis plane interdiceretur, id quod nuper sapienter admodum in Saxonia. Elect. factum esse, ostendit rescriptum a. 1711. promulgatum, (g) vi cuius Pastores, ludi moderatores, & templorum custodes sub poena suspensionis, immo remotionis prohibentur literas dare cambiales: ne scandalum excitaretur, vicini pastores onere vices alienas gerendi nimis gravarentur, nec cura animarum praecipue negligeretur, quod in aegrotis facile accidere posset. Quod si tamen de facto cambium creditoribus dederint, quod tanquam tale adhuc valeat, asserit ILL. BERGER (h) additis rationibus, quoniam allega-

legatum rescriptum Clericis solum publicatum, cuius vero creditores ignari saepius : Insuper hanc legem non annulationem negotii, sed tantum Clericorum poenam continere. Verum miror, virum illustrem hanc opinionem amplexum esse, cum rescriptum supra memoratum, non solum Clericis, sed omnibus, quorum interest, promulgatum fuerit, & ignorantia iuris neminem excuset, hoc clarae serenissimi legislatoris intentioni, itemque ipsis verbis : *der Wechsel-Brieffe aber nicht mehr als ein Chirographum gelten soll* ; adversaretur. Nec minus ius Guelferbytanum Clericos cambio dato ab aresto personali immunes reddit, (i) quam dispositionem tamen ad Canonicos ob cessantem legis rationem non extendi volunt. (k)

(a) C. 15. & 16. X. d. vit. & honestat. Cleric. Can. 2. 9. 10. dist. 88. Can. 3. 4. 9. caus. 14. quaest. 4. CONCIL. TRIDENT. sess. XXII. c. 1. d. reformat.

(b) Conf. Proc. Exec. th. 50.

(c) In Elect. disc. for. T. V. not. 1. p. 134.

(d) C. 12. X. d. for. compr. conf. MARTA de iurisdic. c. VII. p. 7. n. 38. seq.

(e) GONZALEZ ad c. 3. X. de solution.

D

(f) Conf.

(f) Conf. L v c A in theatr. verit. & iustit. T. X. de cambiis disc. 18. n. 8. & Dn. BÖHMER. in Iur. Eccl. Tom. II. L. III. T. 23. pag. 923.

(g) Apud KOENIG. in not. ad Ivs CAMB. LIPS. in app. pag. 32.

(h) In Oecon. Iuris L. IV. T. XXX. p. 1173.

(i) Art. VI.

(k) Ivs GVELFERB. art. II. REMER de ver. oblig. valor. Sect. II. c. XXII. §. 20.

§. XIV.

Mulieres.

Circa mulieres distincte procedendum, quod ea non ubique nec eodem modo cambiis obligantur. Quid iuris sit in Saxonia Electorali, primo hic loco ponendum esse videtur, cum de hoc argumento ibidem maxime superiori seculo inter collegia disceptatum sit. Cui controversiae ansam dedit Rescriptum d. a. 1621. ubi nulla sexus sequioris facta mentio. Proinde illum Scabini Lipsienses exemerunt. Contra ea Icri Vitebergenses in contrariam discesserunt sententiam. Vtraque opinio a Sereniss. Electore approbata. Posterior tamen locum demum obtinuit, & fancitum fuit, ut impostèrum omnes foeminae, sive mer-

mercatrices essent, five non essent, cambialiter obligari possent. (a) In comitiis Electoralibus an. 1676. habitis hac lege iterum abrogata mercatrices solum iuri cambiali subiiciebantur, (b) quod in ordinatione Lipsiensi cambiali quoque cautum invenimus. (c) In hoc convenit ius Numburgense. (d) In Prussia uxoribus, quae negotiis maritorum vacant, cambialem obligationem inire permittitur. (e) In terris Brandenburgicis mulieres cuiuslibet conditionis iuri cambiali sunt obnoxiae, ea tamen limitatione, ut cum curatore aut marito literas subsignare debeant. (f) Secundum ius cambiale Brunsvicense nullum discrimen faciendum inter mulieres, nec opus est curatorum praesentia, cum sine illis alia negotia valide expediant. Id quidem verum & in eo omnes fere ordinationes cambiales congruas esse constat, foeminam, quando mercaturae operam dare incipit, cambiali negotiatione uti, & ex ea conveniri posse, adeo ut in pluribus locis non solum sine curatore & marito, neque de suis beneficiis in iure concessis certiores factae efficaciter contrahere possint. Imo si in cambiali negotio pro aliis suam interponunt fidem, SCto Velleiano, cui li-

cet non sit renunciarum, non fruuntur, (g) & iuste incarcerari possunt. (h) Sed hanc foeminarum obligationem multi ex professo & fusius perlustrarunt. (i)

- (a) Per RESCRIPT. EL. d. 1674. Conf. RIVINI Specim. except. for. c. VIII. n. 4. seq.
- (b) Apud KOENIG append. ad ORD. LIPS. CAME. pag. 165.
- (c) Art. II.
- (d) In verbis: *Gefällt denn auch &c.*
- (e) Art. XXXV.
- (f) Conf. LUDOVICI *Einl.* p. 10. & FRANCK *instit. iur. camb.* p. 119.
- (g) Vid. ORD. CAME. LIPS. §. II.
- (h) Sic SCAB. LIPS. 1673. m. Decembr. respond. refert D. ZIPFEL *vom Wechsel-Recht* p. 75. Confer BERG. *Elect. Disc. for.* p. 134.
- (i) Inter quos praecipue legi merentur Dn. LUDOVICI l. c. Cap. I. §. 7. seq. & eius *diff. d. mul. camb.* FRANCK II. l. c. BARTHIVS *in Hodeg. forens.* p. 673.

§. XV.

*Quaemer-
catrix esse
deatur?*

Attamen paucis adhuc videbimus, quaenam femina nomine mercatricis veniat? Quae enim mer-

mercatori nupta est, (a) marito operam praeſtat in negotiatione, eo abſente contrahit, & in liberis mercatoriis credita & debita conſignat, non pro ea, (b) ſed pro inſtitrice (c) habenda eſt. Inita vero cum marito ſocietate, *daß ſie als Conſortin mit ihrem Ehemann handelt und ſich in ſolcher Qualitaet unterſchreibet*, ſimul cum ſuo ſocio obligatur, quod in locis, ubi, ut in Saxonia, marito uſufructus paraphernalium vindicatur, etiam fieri poteſt, collatione bonorum receptitiorum. (d) Nec per dationem literarum cambialium ſolum evadit mercatrix, cum negotiatio extra ordinem ſemel ſuſcepta non adimat muliebria privilegia: (e) Sed vel per ſe tabernam publicam habet, vel menſae campſoriae, ex profeſſo aſſidet (f) etſi maritum habeat literatum. (g)

(a) Exceptio eſt in Electorata BRANDENB. & ducatu MAGDEBURG. conf. LUDOVICI de mul. camb. §. 24.

(b) Quod ſecus eſt inditionibus, ubi juxta ORD. CAMB. PRUSS. art. XXXV. GEDAN. art. XXXIIX. WRATISLAV. art. II. iudicatur.

(c) MARPERGER quaſtion. d. mercatur p. 96.

(d) Diſſentit Ill. BERGER Elect. proc. Execut. th. 50.

D 3

p. 57.

p. 57. & FRANK. in instit. jur. camb. L. I. Sect. 1. l. c. p. 122.

(e) LUDOVICI Dissert. d. mul. camb. §. 2. MARPERGER d. l. p. 59.

(f) ORD. CAMB. LIPS. §. 2.

(g) Vid. D. ZIPFEL. de tesser. collyb. sect. I. pag. 39.

§. XVI.

*An contra
haeredes
processus
cambialis
institui
possit?*

Cum haereditas non modo cum omnibus iuribus, sed etiam cum quibuscunque oneribus devolvatur: singularis aditae haereditatis effectus est, quod omnes actiones per mortem antecessoris non extinctae dentur contra haeredem. (a) Nam ille personam representat defuncti. Ergo illum aes alienum a demortuo relictum solvere oportet saltem secundum vires hereditarias, si beneficio inventarii usus sit, ut processum quoque executivum evitare nequeat. (b) Et hoc quidem indubitatum. Alia vero est quaestio, an propter debitum cambiale haeres cambialiter iure conveniatur? Affirmatur iure Magdeburgico, (c) ubi debitorum cambialium haeredes instar parentum mortuorum arresto personali afficiuntur, neque spa-

spatium deliberandi annum iis conceditur, nisi mediante inventario aut iurata specificatione integram haereditatem absque mora repudient, & bonis cedant: eo in casu ab Arresto liberantur, & ex suis facultatibus nihil exsolvere coguntur. Ita fere in foris Guelferbytanis (d) Halberstadiensibus (e) & Gedanensibus (f) etiam res sese habet. Idem ius esse in Saxonia Dn. LVDOVICI ex ord. mercat. Lipsiensis (g) evincere mavult; sed male, cum in ea solummodo agatur de spatio deliberandi, quod post obitum obaerati hominis inter octo hebdomades coarctatur, quo effluxo, nullaque declaratione haeredum facta, haereditas pro repudiata censetur, & curator ex officio constituitur. E contrario creditorem contra debitoris haeredes novimus cambialiter ibi non experiri, (h) adita vero haereditate realem in eius bona fieri executionem: (i) Neque tamen exceptio non numeratae pecuniae hic attendi solet. (k)

(a) L. 37. ff. d. acquir. vel omit. haered.

(b) Conf. ВАРТНІІ. Hodeg. forens. p. 711.

(c) Art. IV.

(d) Art. IV.

(e) Art.

(e) Art. VI.

(f) Art. V.

(g) §. 23.

(h) Conf. Ill. BERGERVS E. D. F. tit. V. Obf. 3. not. 3. p. 133. & in El. Proc. Exec. §. 10. n. 1. p. 58. Id: P. 1. Resp. V. 287. p. 489. CARPZOV. P. II. conf: El. 21. def. 10. BERLICH. P. II. concl. 27. n. 15.

(i) conf. BARTHII Hodeg. forenf. p. 736.

(k) Dn. BERGER d. except. non num. pec. adv. camb. thef. XVII.

§. XVII.

*De obligatione fidei-
inssorum.*

Fideiussio in debitis cambialibus vel per avallum i. e. nudam nominis inscriptionem, vel per integram extensionem absolvitur. Prior in Italia quam maxime usitatus multis in aliis locis approbatur modus, eo cum effectu, ut fideiussor adsolutionem deficiente principali sub metu incarcerationis adigatur. (a) Sed apud nos in Saxonia, cum vocabulum *Wechsell* in specie requisitum literarum essentiale constituat, eo omisso, non facile contra scriptorem huius avalli tam rigose proceditur, teste Ill. BERGERO. (b) Quod si posterius plena nimirum extensio *nach Wechsell-Recht* facta

facta sit, & qui debitum cambiale in suam fidem receperunt, durissimam in suam personam executionem non aequè evirabunt. Sed quid eo casu, quem iam memoratus Dn. BERGER proponit, est statuendum? cum quidam ita simpliciter citra mentionem iuris cambialis intercessit, ea quidem ratione: *Obige Post bezable, wenn die Schuldner manquiren.* Is certe iure cambiali non teneri potest, quanquam accessoria obligatio sequatur principalem, & fideiussor ad illam respexisse videatur. Sed in odiosis habemus strictissimam interpretationem, & fideiussio in se stricti est iuris. Nam licet fideiussor se arctius quam debitor principalis obstringere possit, in dubio tamen hoc non est praesumendum, sed potius pro obligatione leniori respondendum.

- (a) De avallo vid. ORDIN. MERCATOR GALL. Tit. VI. art. 23. Auctor tractat. de commerc. terrestri ac maritimo. P. I. Tit. II. C. I. p. 132. sequi SAVARY negotiator perfect. P. I. L. III. C. VIII. PHOONSEN. styl. cambial. Amstelod. Cap. XXII. posit. II. CAPIT. CAMB. BONON. Cap. XV. Capit. feriar. VESVNTIN. Cap. XVII. IVS CAMB. GVELFERBYT. art. II. arg. l. 3. ff. de legat. 1. l. 2.

E

ff.de

Th. de condict. indeb. Conf. MARTIN. BODE d. cambi thes. XII.

(b) Elect. proc. exec. Th. 52. iung. eorundem Elect. supplem. p. 4. itemque supplem. E. D. F. p. 1. p. 60. & 63.

(c) In Elect. proc. exec. Th. 51. p. 59.

§. XIX.

Plures etiam in solidum tenentur, ut primis sociis.

In correali cambiorum obligatione plures in solidum quoque exiguntur, cum quilibet suum nomen separatim subscripsit, & ita uterque se principalem constituit debitorem. Saepius accidit in societatibus, ut socius literas cambiales subiecto suo, & alterius aut societatis nomine dare soleat. Quod si inscio vel plane invito socio factum fuerit, oritur quaestio, num alter eius facto obstringatur? In affirmativam plurimi doctorum descenderunt sententiam usu fori suffulti. Neque praegnantibus desunt rationes: nam correi cambiales unam personam constituunt: (a) Alter alterius per sonam repraesentat, & pro ea aequae principaliter creditori obligatur. Iniquum quidem esse videtur alteri inscio aut renitenti, praecipue cum in contractu societatis consensus utriusque stipulatus fuerit, obligationem

tionem imponi. Sed haec omnia effectum suum praestant in controversiis sociorum inter se invicem obortis, non vero respectu tertii, qui cum societate, non autem cum singulis rem habuit, adeoque iure suo contra utrumque quaesita nequaquam privandus est. Accedit, quod socio integrum sit, nomine societatis aes alienum contrahere. (b) Si necessaria in causis cambialibus omnium consortium saepe in remotissimis locis versantium praesentia & auctoritas esset, quam confusionem quamque remoram pateretur quae-
so cursus commerciorum? Hinc consulendum est iis, qui tantummodo in certo negotio societatem coeperunt, ut de conditionibus & casibus in contractu exceptis suos negotiantes reddant certiores: Alias sibi suaeque negligentiae imputent, si ex perfidia socii non exiguum capiunt detrimentum. Ex his, quae modo in medium prolata sunt, casus sequens facili decidi potest opera: Nimirum duo mercatores societatem ne-
cunt, & creditoribus in securitatem suae pecuniae mutuo datae litteras cambiales exporrigunt: Interim antequam terminus solutionis extiterit, societas per separationem dissolvitur. Post haec

E. 2

alter

alter de cambio solvendo convenitur, qui instrumento circa ingressum societatis confecto, ubi operam suam tantummodo pro certa mercede locatam esse monstrat, se a solutione liberare vult: Sed creditores eum ex nexu dimittere nolunt ea de causa, quod cum societas utriusque nomine gesta, per separationem obligatio in solidum ipsis acquisita nequaquam extingueretur, nec sera contractus sibi plane ignoti exhibitio socium reddere posset immunem. (c) Neque iuvabit, pecuniam a socio mutuo acceptam in rem i. e. in societatis incrementum haud esse versam. (d) Id quod unico tantum exemplo illustrabimus: Titius mercator fato suo perfungitur, & relinquit tres haeredes, qui post ipsius obitum negotiationem a patre susceptam continuant, ac de illo alios, quibuscum negotium habendum esset, certiores faciunt: Sempronius, unus ex cohaeredibus subscribit literas cambiales ita: B. Titii haeredes, cognominibus eorum omis- sis. Sempronio e foro cesso contra reliquos haeredes agitur, qui licet ne nummulum quidem in suam societatem receperint, tamen obstringuntur. (e) Hoc in dubium vocari posse

posse videtur , ex eo , quod in Ord. Iud. Mercat. Lipf. (f) ita cautum fuit : *Nachdem auch öfftern geschiehet , daß die Ausgeber der Wechsel - Brieffe , solche nicht mit ihren Tauff - und Zunahmen , sondern blooß mit den Zunahmen , bevoraus , wenn in einer Handlung sich unterschiedene Consorten befinden , oder als dieses oder ienes Erben oder auff andere dergleichen Art und Weise zu unterschreiben pflegen : So setzen und ordnen Wier hiemit , daß binführo die Wechsel - Brieffe von denen Unserigen , so sie ausgegeben , mit ihren Tauff-und Zunahmen unterschrieben werden , oder in Verbleibung dessen daraus keine Execution - Klagen statt haben sollen.* Verum enim vero huius legis auctoritate non omnes nec ubique tenentur , & magnæ inprimis societates nominata subscriptione rarissime utuntur. (g)

(a) l. 63. ff. pro foc.

(b) l. 27. ff. pro foc.

(c) vid. KOENIG ad ord. Camb. Parere LXXIII. p. 785. sqq.

(d) v. FFLIC. de societ. c. XXX. n. 7. CARPZOV. P. II. Conf. El. 17. def. 12. conf. BERGERI Resp. P. II. Resp. 240. p. 416

F

(e) conf.

- (e) Conf. KOENIG. ad ord. camb. Parete XXVII.
p. 690.
(f) Tit. XIII.
(g) Conf. IVS CAMB. AVSTR. art. VIII. AVGVST.
NOVISS. c. XIV.

§. XIX.

*Qui excep-
tionibus
nec ordinis
neg. divi-
sionis gan-
dent.* Sunt quaedam exceptiones, quae in mutua obligatione & contra actiones ex illa moras admittuntur, sicuti exceptiones excussionis & divisionis. Vtraque est beneficium iuris, & datur fideiussori contra creditorem, quo prius excutiat principalem debitorem eiusque haeredes; (a) & opponi potest, etiamsi fideiussor se obligaverit tanquam principalem debitorem. (b) Alterum dicitur divisionis & epistolae D. HADRIANI, ac impedit, quo minus correi debendi ut confideiussores, singuli nisi pro rata sua tantum teneantur. Quemadmodum haec vero privilegia non ad omnes causas applicari possunt, ut v. g. in intercessione pro fisco, (c) itemque cum muliere facta: (d) Ita etiam socio contra tertium denegantur, eaque sententia in dicasteriis Lipsiensibus est jam pridem recepta, quorum varia responsa memorat DN. BARTH. (e) dissentien-
bus

tibus licet Vitebergenfibus, qui l. 2. ff. de duobus reis inhaerent. (f) Ne autem dissertatio iustos excedat fines, gradum sisto & TE L. B. quam humanissime rogatum esse volo, ut in qualibet huius argumenti elaboratione acquiescas, & dubia mecum ea, quam expecto, humanitate communices, tuoque affectui atque benevolentiae me commendatum, & ad quaevis officiorum genera paratissimum habere velis. Vale.

(a) Auth. C. de fideiuss.

(b) P. II. constit. El. Sax. XV. ECK. ad tit. de fideiuss. §. 27. STRVV. Ex. XLVII. th. 43.

(c) CARPZOV. P. II. Const. El. Sax. 18. def. 9.

(d) l. 48. pr. ff. de fideiuss.

(e) In Hodeg. for. cap. IV. p. 695.

(f) conf. D. BERGER p. I. Resp. CCLXXVII. num. 2. Conf. Dn. KÜSTNER d. menstr. & annal. praescript. liter. camb. §. XXXV. Itemque Dn. BERGER. Elect. proc. exec. thes. L. n. 2. p. 58. l. d. Oecon. jur. Lib. IV. tit. 30. thes. 4. n. 3. p. 1173. Dn. Io. BALTHASAR WERNHER in Compend. iur. L. IV. tit. 29. §. 7. iung. ORD. CAMB. LIPS. §. XIII.

FINIS.



JOANN. PAVLLVS KRESS

J.V.D. ET P. P. ORDINIS JCTORVM

JAM DECANVS

CANDIDATO SVO

GEORG. GVIL. JOECHERO

PHILOSOPHIÆ M.

S. P. D.

Non tantum in utroque examine,
sed præcipue ipsa a TE con-
scripta eleganti dissertatione
ordini nostro juridico TVAM in u-
troque jure scientiam satis & abun-
de probasti. Inter cetera illud mihi
G oppido

oppido placuit, quod in seligendo ar-
gumento, quod responderes, non sub-
tilitatem, curiositatem aut rarita-
tem, sed utilitatem & in foro frequen-
tiam spectaveris. Quænam enim ho-
die cautiones usitatiores sunt inter
contrahentes, quam quod pecuniam
suam secundum leges cambiales oc-
cupent. Et quænam quæso lites iam
tribunalia magis occupant quam quæ
de causis cambialibus exsuscitantur.
Sane adeo se commendavit hominibus
nostris cambiale institutum, quon-
dam fere intra Italiæ fines, ut artis
vocabula inde retenta hodiernum do-
cent, contentum, ut cum ante secu-
lum scriptum Iureconsulti Germanici
de cambiali negotio rarissima avis
esset

esset in republica litteraria, jam nostra ætate jurisprudentia campatoria adeo aucta sit, ut e p. uicis librarium tabernis facile integ. a bibliotheca in hoc argumento comparari possit.

TV in tanta copia auctorum egisti, quod prudentia jubebat, optimos scilicet selegisti & ex his rursus optima ad usus tuos separasti. Quo in dissertatione TV.A tanquam in exacto compendio uno intuitu videre, & intelligere liceret, quæ alias hinc inde dispersa vix post magnum laborem perdiscere datum erat.

His omnibus baud gravatim ab ordine nostro impetrafti, vel rectius: apud illum meritus es, ut TIBI abs-

G 2

que

que præsides in publicum differendi potestatem fecerit. Quod jus singulare alias nec nisi praeclaris ingeniis reservatur. Maeste hac virtute, perge porro in praeclaro, quod auspiciatus es itinere, nec unquam deerunt, qui labores TVOS dignis praemiis sint pensaturi. Ita censeo, ita voleo & ita omnes rerum intelligentes mecum augurantur. Vale & ordinis nostri memor esto. Perscriptum
Helmstadii A. MDCCXXV.
die Octobr. XXX.

